

كلهم راحوا !



جيت أكبر من سوائف هالزمان .. ويوم جيت
طار سرب / اتشكلت غيمة من اللهفة ب سماي
إحترامي ل إتفاف الغيم لحظة مابكيت
وياعسى ماخاب قلب لفته « طوية رداي »
مستعد أتبع مسارات الأحبة بيت بيت
لأجل مايرقون أبواب الفكر والفكر راي
وكلهم راحوا .. عسى ماشر باحضاني ارتميت!
لين ماصاحت حناجر غربتي بصياح ناي
وكلهم راحوا .. عسى ماشر شفتك ماجفيت
علم أصحاب الغصون اليابسة .. تطلب رضاي
وكلهم راحوا .. عسى ماشر بس انتة بقيت
كنت أعلمهم وفاي .. وجيت أعظم من وفاي .. !

عبد الحميد الدوحاني

كلهم راحوا .. عسى ماشر ولوحدك بقيت
تعتقد في صدر يوسع الحزن وانتة معاي ؟
آه يا جرح المسافة « ما عرفت انك نويت »
كان تفكيرى .. يمر الصبح وانتفس دفاي
هذا قلبي .. يا عساه يموت يوم اني جفيت
وانت باحساسك تخلي نكهة الغليون شاي
في حضورك قلب أخضر يبني ل هالعمر بيت
والاي خرب بيت قلب~ مادي عن ... أيش جاي
لاتلوم القلب / والغفلة حل .. ومادريت
لا قفل ألفين باب .. يطيح بالحوش أصدقاى
ياكثرهم لادروا إني مع ال « » سریت
ويا فراغ يتركونه - لابقى صوتي وصداي
إلا انتة .. ما انصدم فكرك وحلقت .. ورقيت
لين عانقت السحب والنور في قمة فضاى
في عيونك جرح .. من سواه؟؟ لا رغم انك وفيت
يلعن أم المغريات ان كان خليتك وراي

شرفة احزان

اوقف على شرفة احزانك وحيد وناد
يا طير الاحلام لاترقا وريشك قصير
ما يحملك غصن هالغريه ومالك بلاد
حزين مثلي .. وما تقدر بحزنك تطير
وحيد في دربك المنسوج جمر وسهاد
غريب مثل ابتهلات الفرح للفقير
لو تشعل الحلم في ليل ابتهاك مداد
ملا احتمالات نرفك غير صبح ضرير
تمر فوضى الاسامي .. والاسامي رماد
في ذاكرة ليلك المزروع برد وهجير
منذور يا طير لا ينام الحزن والحداد
موجوع .. مامر في ليل انتظارك بشير
لاتستبيح الاماني دام صبرك زناد
للهم والدمع والغريه وجمر المصير
واوقف على شرفة ايامك وحيد وناد :
يا حلم الايام لاتكبر وعمرك قصير !

عبد الله الحارثي



الشمال

هو إختفى في زمزم عيونك الصيف
أو هو سحب اللي أشوف وفتني ؟
أوحلم / حلم بايخ وجمله طيف
حلم ولا ادري شلون عدل وتجنني ؟!
الله يستر : من لذيذ التخارييف
ياما وطيت أطرافهن ، أو .. وطني !
ماكان بالنيه لهو .. او سوالييف
ماكنت أعرف شلون .. أبضحك واغني ؟!
يا صاحبي وإن كان يطرب لك الكيف
أنا عذولي للأسف كان ظني
السيف في يدك .. ترى ما هو السيف
يا صاحبي : من قال ضعفك طعني ؟!
ضيفك معزب .. لا غدى معزبك ضيف
ماكنت اللي تطلب القرب مني ؟!
من قال لك عشق تبرج به الزيف
ماله وطن .. وإن عاش / عاش إمتمني !
ماجيتك إلا والغلا .. ضحكته ريف
مثل الحبايب ، ودي .. وصعب إنسي .. !
مثل الشمال ، ونخوة ما بها حيف
طلعت الجنون ، وغبت .. من غبت عنى

مضحي السعيدى